



Broj:
Maglaj:

Na osnovu člana 2.12. stav (9) Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Odluke o visini naknade za rad članova izborne komisije osnovne Izborne jedinice u Bosni i Hercegovini-prečišćen tekst („Službeni glasnik BiH“, broj: 37/10, 53/10, 38/14, 29/16 i 32/16) i člana 18. Statuta Općine Maglaj – prečišćen tekst, („Službene novine Općine Maglaj“, broj: 8/07, 3/08 i 6/08), Općinsko vijeće Maglaj na sjednici održanoj dana 2022.godine, donosi

ODLUKU
o visini naknade članovima
Općinske izborne komisije za 2022. godinu

Član 1.

Ovom Odlukom utvrđuje se visina naknade članovima Općinske izborne komisije za 2022. godinu.

Član 2.

Mjesečna naknada za članove Općinske izborne komisije iznosi:

- 700,00 KM – za izborni period u toku 2022.godine;
- 210,00 KM – za neizborni period u toku 2022.godine;

Član 3.

Utvrđena sredstva iz ove Odluke obezbijedit će se u Budžetu Općine Maglaj, razdjel 10, glava 101, Ekonomski kod 614311 – 122 Općinska izborna komisija.

Član 4.

Za realizaciju Odluke zadužuje se Načelnik općine i Služba za privredu, finansije i razvoj poduzetništva.

Član 5.

Ova Odluka stupa na snagu danom donošenja i ima se objaviti u „Službenim novinama Općine Maglaj“.

PREDSJEDAVAJUĆA
Svjetlana Zamboni

O b r a z l o ž e n j e

Pravni osnov za donošenje ove odluke sadržan je u članu 2.12. stav (9) Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) kojim je utvrđeno da članovi Općinske izborne komisije imaju pravo na stalnu mjesečnu naknadu za svoj rad. Visinu naknade utvrđuje Centralna izborna komisija BiH svojim propisom, tako da se u izbornom periodu ona isplaćuje najviše u visini isplaćenog paušala odbornika, odnosno vijećnika u toj osnovnoj izbornoj jedinici, a izvan izbornog perioda 30% od tog iznosa.

Članom 1. stav (1) - stalna mjesečna naknada, Odluke o visini naknade za rad članova izborne komisije osnovne Izborne jedinice u Bosni i Hercegovini („Službeni glasnik BiH“, broj: 37/10, 53/10, 38/14, 29/16 i 32/16) definisano je da članovi izborne komisije osnovne izborne jedinice imaju pravo na stalnu mjesečnu naknadu za svoj rad u visini od 30% isplaćenog paušala odbornika, odnosno vijećnika u toj osnovnoj izbornoj jedinici.

Članom 1. stav (2) c) navedene Odluke propisano je da članovi izborne komisije osnovne izborne jedinice koja nema utvrđenu naknadu za rad odbornika, odnosno vijećnika u vidu paušala ili ukoliko naknada za rad odbornika, odnosno vijećnika nije utvrđena u fiksnom mjesečnom iznosu nego je vezana za dužnost, koju vijećnik, odnosno odbornik obavlja u općinskom vijeću, skupštini općine ili gradskom vijeću, skupštini grada, odnosno njihovim radnim tijelima, kao i za broj održanih sjednica imaju pravo na stalnu mjesečnu naknadu za svoj rad u visini od 210,00 KM u osnovnim izbornim jedinicama u kojima je u izvodu iz Centralnog biračkog spiska upisano do 50 000 birača.

Članom 1. stav (3) citirane Odluke definisano je da se članovima komisije osnovne izborne jedinice isplaćuje naknada u utvrđenim iznosima i prema broju upisanih birača za tu osnovnu izbornu jedinicu, ukoliko je to za njih povoljnije.

Članom 2. stav (1) – naknada u izbornom periodu, iste Odluke propisano je da članovi izborne komisije osnovne izborne jedinice u izbornom periodu imaju pravo na mjesečnu naknadu u visini 100% isplaćenog paušala odbornika, odnosno vijećnika u toj osnovnoj izbornoj jedinici.

Članom 2. stav (2) propisano je da članovi izborne komisije osnovne izborne jedinice koja nema utvrđenu naknadu za rad odbornika, odnosno vijećnika u vidu paušala ili ukoliko naknada za rad odbornika, odnosno vijećnika nije utvrđena u fiksnom mjesečnom iznosu nego je vezana za dužnost, koju vijećnik, odnosno odbornik obavlja u općinskom vijeću, skupštini općine ili gradskom vijeću, skupštini grada, odnosno njihovim radnim tijelima, kao i za broj održanih sjednica u izbornom periodu imaju pravo na mjesečnu naknadu za svoj rad u visini od 700,00 KM u osnovnim izbornim jedinicama u kojima je u izvodu iz Centralnog biračkog spiska upisano do 50 000 birača.

Članom 2. stav (3) definisano je da se članovima komisije osnovne izborne jedinice isplaćuje naknada u utvrđenim iznosima i prema broju upisanih birača za tu osnovnu izbornu jedinicu, ukoliko je to za njih povoljnije.

Članom 18. Statuta Općine Maglaj – prečišćen tekst, («Službene novine Općine Maglaj», broj: 8/07, 3/08 i 6/08) propisane su nadležnosti Općinskog vijeća Maglaj.

Finansijska sredstva utvrđena ovom odlukom, planirana su u Budžetu Općine Maglaj za 2022.godinu, tačnije razdjel 10, glava 101, Ekonomski kod 614311 -122 Općinska izborna komisija.

Obrađivač: Emina Hasanić



Predlagач
NAČELNIK OPĆINE
Mirsad Mahmutagić

